

四書典故辨正

四書典故辨正卷十七

溧陽周柄中理衷氏著

九男

九男。趙註云。一朱八庶。按呂氏春秋。堯有子十人而與舜貴公也。帝王世紀。堯娶散宜氏之子曰女皇。生丹朱。又有庶子九人。路史。堯之長子監明先卒。富史漢並作散宜

氏生朱。庶子九並與呂氏春秋合。此言九男。郝京山云。丹朱不在列也。考之竹書。堯五十八年。使后稷放朱於丹水。七十一年。命二女嬪于舜。則此時朱不在列。信然。

趙註非是。

少艾

示兒編云少艾獨考載籍並無美好之說如曲禮五十
曰艾魯頌俾爾耆而艾荀子耆艾而信可以爲師皆謂
老也初無一言以爲幼而美少當音上聲艾讀如夜未
艾之艾艾之爲言止也謂人知好色則慕親之心稍止
也愚按戰國策建信君以色幸于趙王而魏牟稱之爲
幼艾此艾訓美好之確據朱子明引楚辭國策爲証何
季昭之不考耶。

完廩浚井

井廩之事始見于孟子。後人多以爲疑。司馬溫公謂是時堯將以天下讓舜。瞽象雖愚亦豈不利其子與兄之爲天子而欲殺之乎。借欲殺之堯必誅已。宜亦有所不敢矣。蘇氏古史謂四岳之薦舜曰蒸蒸艾不格姦豈有堯旣已用之而猶欲殺之哉。路史又謂惟茲臣庶汝其于予治。舜告臯陶語也。鑿陶乎予心顏厚有忸怩。五子戒太康語也。而卒合爲舜象之言。以此斷其謬妄。愚按家語孔子曰舜之事瞽叟欲使之未嘗不在于側。索而

殺之未嘗可得。則井廩之事。未可以爲必無。論衡謂在
舜未逢堯時。此爲近之。至列女傳有龍工鳥工之說。又
謂瞽瞍速舜飲酒。醉將殺之。二女乃與舜藥浴。注遂
飲終日不醉。舜之女弟繫按舜妹名數手見漢書人表
史記正義作數手孟奇引說文畫嫘舜妹也繫畫始子嫘故稱畫嫘列女傳作繫疑誤合數手爲一字而又訛作繫耳繫又或訛作擊見漢書
瞽瞍之與二嫂諧。此則荒唐不可信。金仁山通鑑前
編云。瞽瞍之欲殺舜也。史記謂愛後妻子之故。然瞽瞍
特出于愛憎。而舜又非有大過惡。何至欲殺之哉。考左
氏史趙之言曰。自幕至于瞽瞍。無違命。則虞氏自幕故

有國至瞽瞍亦無違命。則粗能守其國者也。其欲殺舜。蓋欲廢嫡立幼。而象之欲殺其兄。亦欲奪嫡故耳。不然。豈以匹夫之微。愛憎之故。而遽欲殺之哉。愚按史記言。自窮蟬以至舜。皆微爲庶人。其說必有所據。孟子亦云。發于畎畝之中。可証也。古今來以後妻之故。而欲殺其子者多矣。愛憎之偏。何所不至。豈必因奪嫡而後然哉。流共工于幽州。

共工水官名。路史以爲人名。非也。王逸天問注。以康回爲其工名。或以臯陶謨孔王爲其工名。並謬。幽州北。

裔之地括地志故冀城在檀州燕樂縣界。今順天府密雲縣東北塞

外地故老傳云舜流共工幽州居此城閭潛邱曰此幽州

其地狹及後肇十有二州分冀州東北地爲幽州其地

廣孔疏謂流四凶在治水前于時未作十二州則無幽

州之名而云幽州者史據後定言之非也愚按此幽州

與崇山羽山一例閩氏以爲其地狹者得之但謂肇十

二州在禹治水後此恐未確說見下條舜肇十二州

有兩說一云禹平水土置九州舜分冀州爲幽州并州

分青州爲營州始置十二州此孔傳及馬融鄭康成王

蕭之說也。一云堯遭洪水懷山襄陵天下分絕爲十二州使禹治之水土既平更置九州此漢書地理志及皇甫謐帝王世紀宋書郡國志之說也。以今考之二說皆有難通。謂肇十二州在禹治水後則禹旣九山列旅九川滌源豈尙有未封未濬者。且禹置九州舜分之禹復合之不亦紛更多事乎。謂肇十二州在禹治水前則舜旣卽位。谷十有二牧益稷篇禹之言曰州十有二師。是十二州之數終舜之世不改。未嘗復爲九州也。此尙書一大疑義解經者各主一說無能會而通之。惟安溪李

文貞公云州之有幽并營者徒以冀極塞而青跨海形勢獨絕作牧分治殆如國有附庸之類雖有州名仍統于冀青故後禹成功作貢亦止于九而其言曰州十有二師十二師卽十二牧九州爲正幽并營爲附舜典總言之禹貢則以正者覩之也禹貢青州云萊夷作牧牧者州牧按孔傳以牧爲放牧非是自萊跨海卽舜分青地爲營州者以其爲附庸之州與冀之幽并同故附見于青而不列此言作牧而幽并不言者王畿無外畧其牧號且或以王官兼之如周家內諸侯之例也按此說具有特見觀

益稷篇禹曰予決九川又曰州十有二師或言九或言十二則知無分合更置之事舊說謂舜禹互相變革不可通矣

崇山

崇山尙書孔疏云不知其處蓋在衡嶺之南通典云澧陽縣有崇山卽舜放驩兜之所愚按在今湖廣澧州永定縣大庸所東有驩兜塚寰宇記以嶺外之驩州爲所放處路史驩州乃驩朱國楊用修據沈佺期從崇山向越裳詩謂在交廣之域並非

殺三苗于三危

書言竄三苗。而孟子云殺蔡處齊謂竄之于此。實置之死地。蓋三苗卒死于此。故曰殺三苗。然洪範言鯀則殛死。是鯀亦死于殛所者。何以不曰殺。吳幼清尙書纂言曰。左傳蔡蔡叔。蔡與殺字異音同。古通用。則殺卽竄也。愚按左傳正義。蔡字本糲字。說文糲散之也。從米殺聲。疑孟子古本元作糲。與殺聲相近。傳寫者遂訛爲殺耳。吳氏蔡殺通用之說非是。而殺之爲蔡。則無可疑也。

三危載禹貢者有二。竄三苗之三危在西裔。括地志抄

州敦煌縣東南四十里。山有三峯。故名三危。亦名卑羽。山今爲嘉峪關外廢沙州衛地。導黑水之三危在大河。南地理今釋。在今陝西岷州衛塞外古疊州西。西蕃界中。雲南麗江府北。河圖括地象云在烏鼠西南。與汝山接。黑水出其南。康成云。南當岷山。則在積石西南。是也。

殛鯀於羽山

帝王世紀云。鯀顓頊之子。字熙艾。宋忠世本注。亦以鯀爲顓頊子。愚按所謂子者。本其所自出。非必卽父子也。而竹書以爲父子。殊不可信。據竹書。顓頊三十年產鯀。

七十八年陟中更帝嚳六十三年帝摯九年至帝堯六十一年命鯀治河上距顓頊產鯀之年已一百八十二歲得無爲人妖耶漢書律歷志顓頊後五世而生鯀差爲近之漢書地理志東海郡祝其縣羽山在南按此卽禹貢蒙羽其藝之羽山說者皆以此山爲舜殛鯀處山下有羽潭卽左傳所云其神化爲黃熊以入于羽淵者也竊疑此地太近非荒服放流之宅孔氏書傳羽山東裔在海中寰宇記羽山在登州蓬萊縣東十五里卽殛鯀處有鯀城在縣南六十里以近殛鯀之地而名此

與孔傳謂在海中者合。閻百詩、胡朏明皆主此說。當從之。

四罪

四人罪狀。於經可據。左氏叙四凶事。皆言之過。而他書所載異說尤多。逸周書。共工自賢。自以無臣。久空大官。下官交亂。民無所附。唐氏伐之。共工以亡。外內相間。下撓其民。民無所附。三苗以亡。韓非子。三苗有成驹。亡國之臣也。路史驩兜以嬖臣狐攻專權亡國。其事皆不見于經。呂氏春秋。堯以天下讓舜。鯀怒彷徨于野。以患帝。

韓非子堯欲傳天下於舜鰥謙其工又諫曰孰以天下而傳之於匹夫乎博物志堯以天下讓舜三苗之民非之則四凶又以忌舜而獲罪者其說皆不可信至四罪之行是舜攝位時事而莊子釋文堯六十年放驩堯六十四年流共工六十六年竄三苗竹書堯六十九年黜崇伯鯀皆在舜徵庸之前亦與經不合蘇子瞻據史記以變北狄云云謂四族之誅皆非誅死亦不廢絕但遷之遠方爲要荒之君長此說亦非按春秋傳言舜臣堯流四凶族是四罪之刑皆流也禹貢要服二百里蔡荒

服二百里流。蓋以要荒之邊鄙爲流放罪人之地。正傳所謂投諸四裔以禦魑魅者。豈使之爲君長哉。

有庳

有庳在今永州府零陵縣。閻潛邱曰。據經文欲常常而見之云云。豈有兄居蒲坂。弟居零陵。陸阻太行。水絕洞庭。較諸驩兜放處尤遠千里之理。蓋有庳之封必近在帝都。而今不可考耳。愚按路史謂九域圖。經樂記。寰宇記。並以象城爲舜弟所封。象城屬鉅鹿。與帝都審邇。豈即是耶。顧寧人謂上古諸侯之封萬國。中原之地。必無

西漢書卷第十一
閒土可封。故不得已而封之于遠。此臆說也。

南河之南

河自積石龍門南流爲西河。至華陰東經底柱孟津過洛汭爲南河。至大伾北流過洚水大陸又北播爲九河。同爲逆河入海爲東河。東西南皆據冀州言冀州在南河之北。南河之南則豫州也。史記集解劉熙云南河九河之最在南者按九河徒駁最北鬲津最南鬲津在鬲縣今山東濟南府德州北有鬲縣故城。則舜避朱在兗州也。張守節謂濮州鄄城縣偃朱故城卽舜避丹朱之

處漢州今屬山東曹州府亦古兗州地。劉說不爲無因。
但豫河爲南河見于禹貢以九河之最南者爲南河則
書傳無此稱當以集註爲正。

箕山之陰

箕山之陰史記作箕山之陽愚按山北曰陰陽城在箕
山之北故張守節云陰卽陽城也史記作陽則爲箕山
之南與孟子不合故張守節疑史記箕字是嵩字之訛。
蓋陽城在嵩山南二十三里則爲嵩山之陽也。趙註
陽城箕山之陰皆嵩山下深谷中可藏處閩百詩非之。

謂陽城山

陽城縣以
山得名

去嵩山幾三十里。箕山在陽城縣

南十三里。安得卽云嵩山下之深谷。其說良然。但謂箕山爲嵩高之北。此本史記集解劉熙語。愚謂北字疑訛。

按括地志。陽城縣在箕山北十三里。嵩山在陽城縣西北二十三里。則陽城在嵩山之南。箕山又在陽城之南。非北也。

外丙仲壬

外丙仲壬。自程子謂歲爲年。始爲異說。邵子皇極經世書亦無外丙仲壬名世。胡五峯大紀主經世力辨史記

之非大畧謂三王家天下定于立嫡成湯伊尹戮力創業乃舍嫡孫而立諸子亂倫壞制開後嗣爭奪之端乎公儀仲子舍孫而立子言偃問曰禮與孔子曰否立孫孔子殷人宜其知先王之故矣而不以立弟爲是商自沃丁始立弟太史公陽甲之紀曰自仲丁以下廢嫡而立諸弟子弟子或爭相代立比九世亂以其世考之自沃丁至陽甲立弟者九世則仲丁之名誤也沃丁既以廢嫡立諸弟子生亂爲罪則湯未嘗立外丙仲壬明矣不然。是湯首爲亂制又可罪沃丁乎愚按史記仲丁之

名非誤。蓋立弟自沃丁始。廢嫡立弟則自仲丁始。湯之太丁死而立外丙。是無嫡而立嫡子之弟。非廢嫡立弟。故自沃丁以下行之而未嘗致亂。至仲丁始廢嫡立弟。而沃甲則立兄祖辛之子祖丁。祖丁又立沃甲之子南庚。南庚又立祖丁之子陽甲。則不但立弟而且立姪。不但立母弟而且立從弟。故曰廢嫡而更立諸弟子。諸弟子或争相代立。比九世亂。自仲丁至陽甲凡九世。非通數傳弟者之九世也。無嫡立弟商制本然常也。廢嫡立弟變也。沃丁行其常而仲丁爲其變。故特下廢嫡二字。

以著其所以致亂之由此史筆也。且仲丁旣以立弟致九世亂而後之賢君如盤庚武丁乃不鑒先世之禍而又傳弟則豈非無嫡立弟商制固然不得而易哉。胡氏不明無嫡立弟與廢嫡立弟之異而槩以爲亂制何讀史之弗審也。外丙仲壬之立見于史記而竹書所載外丙名勝元年乙亥卽位二年崩仲壬名庸元年丁丑卽位四年崩此其的然可據者國語云商之享國三十一王今合外丙仲壬數之尙闕其一蓋史失之若更無丙壬則止二十有八王國語近古之書必不謬誤至此斷

從史記爲是。金仁山曰太甲以嫡長孫承重繼祖于書可見。書曰惟元祀十有二月乙丑伊尹祠于先王。是冢宰攝祭于宗廟也。奉嗣王祇見厥祖。是見于殯宮卽位也。若隔外丙仲壬之世而太甲承仲壬之後則自成湯外丙以上俱曰祠于先王足矣。何獨又曰奉嗣王祇見厥祖。其書法若是之重複也。愚謂祠于先王者外丙以上之通辭。又曰奉嗣王祇見厥祖者。蓋爲伊尹將明言成湯之德。以訓嗣王故特鄭重言之耳。若果湯崩而太甲立。湯猶在殯。則殯宮有朝夕之奠。何爲而致嗣主。

二十里。又春秋荆敗蔡師于莘。則在河南汝陽縣境地。各不同。大全小註。趙氏以伊尹耕于有莘爲邵陽。非是。癰疽。

癰疽。劉向說苑作雍疽。東坡嘗考之。謂當以說苑爲正。孟子則字音之訛也。愚按國策衛靈公近癰疽註癰疽
易醫醫之幸。與孟子合。史記作雍渠。韓非子又作雍鉏。古書紀載不同。往往如是。何得以孟子爲訛。

顏讐由

史記孔子適衛。主子路妻兄顏淵。鄒家索隱謂與孟子

主顏讐由不合。正義則云濁音卓。鄒音聚。以顏濁鄒爲
顏涿聚。其說蓋本之漢書古今人表。愚謂顏讐由卽顏
濁鄒而非涿聚。顏涿聚乃顏庚而非濁鄒。何以明之。按
孔荅子言讐由善事親。嘗以非罪被執。子路哀金贖之。
或疑其私于所昵。而孔子白其不然。此讐由爲子路妻
兄之誣。與史記之濁鄒是一人也。涿聚則齊人。哀二十
三年傳。晉荀瑤伐齊。戰于犁邱。齊師敗績。禽顏庚。杜注
齊大
夫顏二十七年傳。荀瑤伐鄭。鄭請救于齊。陳成子召顏
涿聚之子晉曰。隰卽犁之役。而父死焉。則涿聚乃顏庚。

非顏濁鄒傳有明據人表混而爲一張守節遂以字音附會非也

司城貞子

史記孔子遂至陳主于司城貞子家則貞子時爲陳臣本無可疑祇因司城是宋官于是解者各異邵二泉謂貞子先仕宋後仕陳或謂先仕陳後仕宋或又謂哀七年曾亦有司城此司城疑卽陳之官名陳定字謂以文勝觀似是臨去宋時主于司城貞子適陳爲陳侯周臣關里志及年譜並云孔子嘗爲陳侯周臣諸說不同當

以邵說爲正。閻百詩曰：以孟子書法觀之，貞子本爲宋卿，由宋而流于陳，方得爲孔子之居停主人。所以書法繁重委折，而不如是。讀者可以會意也。愚按春秋傳：陳湣公時有公孫貞子，楚伐吳，陳侯使貞子弔焉。及良而卒，或卽其人與。

陳侯周

孔子去衛，適陳。當湣公之六年，此陳侯湣公也。趙註：陳侯名周，而史記云：湣公名越。鄭京山因謂陳侯周非其名，周訓忠信，言貞子爲陳侯忠信之臣。黃太冲祖其說。

云司城益因陳亡而殉者。陳之忠臣也。亦太穿鑿矣。

五羊之皮食牛

集註人言其自賣于秦養牲者之家得五羊之皮而爲之食牛。朱竹垞五羖辨曰。趙註人言百里奚自賣五羖羊皮爲人養牛。自賣句截五羖羊皮爲人養牛。蓋言衣此食牛也。巵屢之歌云。百里奚初娶我時五羊皮。又曰西入秦五羖皮。然則奚蓋服五羊之皮入秦者。猢五羊爲裘毛之最豐而賤者所服也。叢書言之李孔德孔德不以爲然。偶讀范處義詩補傳釋羔羊之詩云。素絲必

以五言蓋合五羊之皮爲一裘。循其合處以素絲爲英飾也。百里奚衣五羊之皮爲秦養牲。蓋彷古制古之羔裘其製甚精。養牲者被五羊之皮。蓋賤者之服。而召南在位之君子亦服之。非節儉而何。其說竟與予合。按史記百里奚亡秦亡宛。楚鄙人執之。繆公聞百里奚賢。欲重贖之。恐楚人不與。乃使人謂楚曰。吾媵臣百里奚在焉。請以五羖羊皮贖之。楚遂許與之。蓋百里奚在秦五羖其素所被服。繆公慮楚不信。故以奚所衣之服與之。不然。五羖微物。楚人豈貪之乎。愚按《戾屢歌》乃漢詞賦。

家所爲本不足據其以史記贖奚事爲証亦非是史記言欲重贖之恐楚人不與者此卽齊欲請管仲于魯而桓公謂知吾將用之必不與我矣之意故其謂楚人曰吾媵臣微之也請贖以五羖羊皮示其無足重輕也所以杜楚人之疑而使之不忌也若謂以此取信于楚則奚之素所被服楚人惡得知之史記商鞅傳又載趙良之言曰五羖大夫荆之鄙人也自鬻于秦客被褐食牛期年繆公知之舉之牛口之下而加之百姓之上史遷所傳已自相矛盾則并贖奚之事亦屬傳疑不足信也

至所引范處義釋詩之說則尤爲不根夫五紩五緘五總絲數非縫數也戴侗六書故曰紩緘總俱以五言皆絲之量數更証之西京雜記云五緘爲繩倍繩爲升倍升爲緘是緘爲絲數益無可疑范氏謂合五羊爲一裘則羔羊兒羊也豈有兒羊而五皮而可以成裘者哉嘗考韓詩外傳云百里奚齊之乞者也逐于齊自賣五羊皮爲一輶車入秦戰國策百里奚虞之乞人傳買以五羊之皮說苑百里奚自賣取五羊皮伯氏養牛又臣術篇云賣人買百里奚以五羖羊皮使將盜車之秦又善

說篇云。百里奚自賣五羊之皮爲秦人虜。穆公得之。諸
說並以五羊皮爲自鬻之直。與集註同。竹垞所云。則昔
人未有作此解者。惟莊子庚桑楚篇云。湯以庖人籠伊
尹。秦穆公以五羊之皮籠百里奚。陸德明音義既引史
記贊奚事。又曰。或云百里奚好五色皮裘。此頗合于竹
垞之解。而又不能依據徒割截趙註以就其說。宜孔德
之不以爲然也。

號

號。號叔之後。西號也。漢志西號在雍州。水經注。雍縣故

秦德公所居也。晉地道記曰：西號地。太康記曰：號叔之號矣。亦謂之北號。春秋僖二年，虞師晉師滅下陽。杜註：下陽號邑，在河東大陽縣。黨志：北號在大陽，又謂之南號。僖五年，晉侯圍上陽，滅號。杜註：上陽在宏農陝縣東，南水經注：上陽爲南號。按：上陽在河南，下陽在河北，故當時有南北之稱。其實皆西號也。東號在滎陽，號仲所封，即鄭之制邑。隱元年傳：制巖邑也。號叔死焉。杜註：號叔東號君也。孔疏：號仲封東。而此云號叔東號君者，言所滅之君字曰叔也。鄭語史伯曰：號叔恃勢。韋昭註：此

虢叔乃虢仲之後是也。吳斗南曰：帝王世紀以西號爲虢仲所封而後漢書亦以陝縣爲仲國。審爾則東虢北虢皆爲叔後。或東虢爲鄭所滅而王復封之。不知北虢卽西虢乃叔之所封而東虢則仲後非叔後也。國語胥臣曰文王敬友二虢。馬融謂虢叔同母弟虢仲封下陽。異母弟虢叔封上陽。以二虢爲三虢。又以北虢之下陽爲仲國。而後來沿誤分西虢北虢東虢爲三虢。以西虢爲仲所封。斗南亦疑不能定。故備論之。斗南東虢滅而復封之說亦有自來。唐書世系表平王奪虢叔之地。

予鄭武公。楚莊王起陸渾之師以伐周。責王滅虢。于是平王求號。叔奇孫序封于曲陽。號曰郭公。按春秋。楚莊卽位在周頃王六年。去平王東遷一百五十餘年。中間尚隔桓莊僖惠襄五王。安得有責平王滅虢事。無稽之言不足信也。

四書典故辨正卷十八

深陽周炳中理東氏著

鑄鐘註

鄭康成註周禮。郭璞註爾雅。並以鑄爲大鐘。韋昭註國語。杜預註左傳。並以鑄爲小鐘。許叔仲直謂鑄爲錞于之屬。所以應鐘磬者。愚按鑄之爲大鐘爲小鐘。經無明文。據國語云。細鈞有鐘無鑄。昭其大也。大鈞有鑄無鐘。甚大無鑄。昭其細也。則似以爲小鐘者得之。然無論爲大爲小。要是特懸之鐘。非編鐘也。毛氏竟山樂錄。謂鑄

鐘卽編鐘。鈸與編聲之轉也。此說非是。白虎通云。鈸者。節度之所生也。君臣有節度。則萬物昌。無節度。則萬物亡。亡與昌正相迫。故謂之鈸。鈸之名義如是。而可謂鈸鐘。卽編鐘乎。且田器亦名鈸。如其說。則周頌之錢鈸。齊語之虡鈸。將可謂之錢編虡編乎。亦謬甚矣。隨隱漫錄。金聲玉振。乃景鐘也。頂上有玉叩。則金先鳴。玉終之。高九尺。天子親擊以祀上帝。愚按路史云。昔黃帝分五聲。以正五鐘。四曰景鐘。今五鐘在大晟。景鐘第一。惟親祀。則用之。則宋時有此器。非孟子之所謂金聲玉振也。

附錄以廣異聞

卿大夫

周禮治官之屬。太宰卿一人。小宰中大夫二人。宰夫下大夫四人。教官之屬。大司徒卿一人。小司徒中大夫二人。鄉師下大夫四人。禮官之屬。大宗伯卿一人。小宗伯中大夫二人。肆師下大夫四人。政官之屬。大司馬卿一人。小司馬中大夫二人。軍司馬下大夫四人。刑官之屬。大司寇卿一人。小司寇中大夫二人。士師下大夫四人。六官止有中下大夫。是天子有卿無上大夫也。王制言。

諸侯上大夫卿。下大夫五人。是諸侯之上大夫卽卿而無中大夫也。三卿對大夫爲上。於三卿中又自分上中下。王制有上卿中卿下卿是也。五大夫對三卿爲下。於五大夫中又自分上下。小宰小司徒爲上。小宗伯小司寇小司空爲下。王制小國之中卿當大國之上大夫。下當其下大夫是也。

上士中士下士

汪武曹曰。孟子不明言上士中士下士之數。王制止言上士二十七人。而不明言中士下士之數。鄭註曰。上九

中九下九也。賈疏曰：上九中九下九，勉人爲高行，故總
以上士言之也。嚴陵方氏曰：上士二十七人，中下之士
與之爲三分焉，合而爲八十一也。山陰陸氏曰：上士二
十七人，中士下士各八十一人也。廬陵胡氏曰：士之數
國各二十七人，三分之上士之數居大半。中士下士之
數各居上士之三也。延平周氏曰：上士二十七人，中士
下士各居其上之三分，則二百四十三人也。金華邵氏
曰：諸侯雖有上中下士，惟上士常置。中士下士有時而
缺也。諸說未知孰是。愚按王制云：上士二十七人。又云：

其有中士下士者數各居其上之三分言其有者一有一無之解則邵氏所謂上士常置中下士有時而缺者是矣二十七人者上士之數三分分陸氏讀去聲其數爲八十

一人則陸氏謂中下士各八十一人者是矣如方氏胡氏之說則中下士之數太少如周氏之說則中下士之數又太多故吳草廬禮記纂言亦以陸說爲優此定論也至鄭註賈疏則因王制其有中士下士者數各居其上之三分十五字不與上士二十七人連文而次於下當其下大夫之下故鄭氏通解爲並會之序而於上士

二十七人則以上九中九下九合之爲二十七此實由錯簡致誤後儒已正之矣。

公侯皆方百里伯七十里子男五十里

封國之制孟子言公侯百里伯七十里子男五十里與王制同周官大司徒則謂公五百里侯四百里伯三百里子二百里男百里與孟子異鄭康成謂孟子所言周初制周公斥大九州之地始皆益之此說最謬後儒陸農師易山齊金仁山輩並言周之幅員不廣于虞夏安得加封若此且武王封之周公大之其勢必有所并有

所并必有所徙。一公之封而子男之國爲之徙者二十
餘封數大國天下盡擾此必不然之事蘇子由嘗辨之
矣唐仲友謂古之封國有軍有賦自軍言之則方百里
而具三軍方七十里而具二軍方五十里而具一軍自
賦言之則公之國方二百一十里而具千乘伯之國方
一百四十里而具六百乘男之國方百里而具三百乘
子下同于男侯上同于公自是而外則山川土田附庸
皆在封疆之內然皆非出車制賦之壤孟子言百里七
十里五十里者獨舉軍制而言也周官于諸公言五百

里諸侯言四百里。伯言三百里。子言二百里者。包山川
土田附庸于封疆內也。于諸男言百里者。獨舉其出軍
賦之封疆也。凡此皆省文而互見。詳而考之。未有不合
者。按唐氏此說。極爲支離。卽以周禮觀之。自諸公至諸
男。封疆之數。遞爲降殺。各以百里爲等差。今忽分二解。
於公侯伯子。則以爲兼虛封。于諸男。則以爲舉實封。此
在周禮。先不可通。而以牽合孟子之說。其誰信之。陳氏
禮書。謂孟子三等之地。正封也。周官五百里四百里云
云者。則所統之附庸。葉少蘿又謂兼山林川澤而言。汪

武曹駁之曰。方五百里者爲方百里者二十五也。豈公之正封止得方百里者一而附庸反得方百里者二十四乎。方四百里者爲方百里者十六也。豈侯之正封止得五百里者一而附庸反得方百里者十五乎。卽合山林川澤言之亦不應如此之多。則其說又難通矣。惠氏據尙書大傳謂諸侯受封必有采地。封五百里與四百里者其采百里。封三百里者其采七十里。封二百里與百里者其采五十里。采則全入于其君。而封爲天子之土。故天子得而食之。王制言采周官言封二者必合而

相備按大傳言百里諸侯之國以五十里爲采七十里諸侯以二十里爲采五十里諸侯以十里爲采此說合于孟子而異于周禮惠氏假借附會以調和其說巧則巧矣而非其實也李剛主謂百里專言土田山川附庸則量功而錫不在百里內孟子曰天子巡狩有慶慶以地是初封百里而其後慶地何算故周禮約其數曰公不過五百里侯不過四百里伯子男不過三百里二百里此說亦本之唐仲友按周禮明言凡建邦國以土圭土其地而制其域則五百里四百里乃其疆域于建國

之。初。已。定。之。豈。有。豫。約。慶。地。之。數。而。爲。之。制。其。域。者。果。
如。其。說。本。文。何。以。不。云。公。之。地。無。過。五。百。里。侯。之。地。無。
過。四。百。里。耶。任。鈞。臺。又。疑。大。司。徒。文。誤。當。是。方。百。里。五。
方。百。里。四。此。亦。不。然。職。方。氏。明。言。千。里。之。地。以。方。五。百。
里。封。公。則。四。公。以。方。四。百。里。封。侯。則。六。侯。若。止。方。百。里。
五。則。千。里。當。封。二。十。公。方。百。里。四。則。千。里。當。封。二。十五。
侯。職。方。之。制。合。于。大。司。徒。其。非。誤。文。可。知。矣。然。則。孟。子。
與。周。禮。决。不。可。合。據。書。云。分。土。惟。三。自。當。以。孟。子。爲。正。
或。反。據。周。禮。以。疑。孟。不。亦。謬。哉。

附庸

註以庸爲通。此本白虎通附庸者附大國以名通之說。按書傳民功曰庸。其功勞附大國以達于天子。又王制註小城曰附庸。庸墉同猶屬城也。二說雖與註異。而義皆可通。任鈞臺曰。春秋時有自附庸升爲子男。如邾小邾。有自成國降爲附庸。如紀季入齊。鄫巫屬魯。有自大夫采地升爲附庸。如宋之蕭叔。雖春秋變制。然必古原。有此法。愚按白虎通云。有德之士。封之必先試爲附庸。三年有功。因而封之五十里。凡士有功者。亦爲附庸。則

古有其法明矣。左傳莊公五年秋。鄖犁來朝。名未王命也。註疏謂附庸未受王命爲諸侯。例當稱名。故邾儀父稱字爲貴之也。胡氏則云中國附庸例稱字。邾儀父蕭叔是也。夷狄附庸例稱名。鄖犁來介葛盧是也。按邾與鄖皆中國附庸。並非夷狄。必分之。則邾當爲夷。左傳叔孫都曰。邾又夷也。以邾地近戎。故云乃反曰儀父中國例稱字。此杜撰之說。

天子之卿受地視侯。大夫受地視伯。元士受地視子。男王制。天子三公之田視公。侯天子之卿視伯。天子之大

夫視子男天子之元士視附庸與孟子不合當以孟子爲正蓋古者三公不必備常以六卿兼之卿兼公孤亦止食卿之祿公孤之爵不爲位故無祿則受地當自卿始此孟子是而王制非也內臣之命降于外諸侯而祿必視乎外故以六命之卿視九命之公侯四命之大夫視七命之伯三命之元士視五命之子男皆卑其命而崇其祿者元士之命不下於附庸而受地視附庸則非卑其命而崇其祿之義與卿大夫不一例矣此又孟子是而王制非者也吳氏禮記纂言反謂孟子當諸侯去

籍之時。但以意言其大畧。不若王制所記爲得之。顛倒甚矣。至周禮載師疏云。天子大夫各受采地二十五里。天子之卿各受采地五十里。又與孟子王制異。此則經無明文。特出于硯家之說。尤不足據。

卿祿四大夫

安溪李文貞公曰。諸侯之卿不命于天子者。其祿秩與大夫等。命于天子者。不論大小國。其祿皆當四大夫也。但大國三卿。皆命于天子。故視大夫四倍。次國三卿。二卿命于天子。其一與大夫同祿。則以三卿與二大夫總。

較。惟三倍耳。小國三卿。一卿命于天子。其二與大夫同祿。則以三卿與三大夫相較。惟二倍耳。故曰。大國之上卿位。當大國之中卿。中當其下。下當其上大夫。小國之上卿位。當大國之下卿。中當其上大夫。下當其下大夫。當大夫者。皆非命卿也。秩既相當。祿亦相等。明矣。愚按。卿祿之數。王制有明文。謂王制不可據。則文貞之所據。以推者。固王制也。王制而可據。乃舍須祿之正文。不從而轉据。卿大夫類聘。並會之序。以推須祿之數。不亦迂曲而難通乎。考主制言。大國之卿四大夫祿食二百八。

十八人。次國之卿三大夫祿食二百一十六人。小國之卿倍大夫祿。食百四十四人。孔疏。卿祿重。故隨國之大小爲節。則謂命于天子者其祿皆當四大夫非也。王制又云。次國之卿命于其君者如小國之卿。孔疏。次國三卿二卿命于天子者祿各食二百一十六人。而一卿命于其君者爲賤祿不可等天子命者。故視小國卿食一百四十四人。則謂不命于天子者與大夫同祿亦非也。况諸侯有大夫五人。今但以三大夫與三卿相較。尤爲不合。何義門讀書記亦以李說爲未然。而行遠集文評。

乃從而附會之則過矣。

庶人在官

鄭節卿大平經國書謂府史胥徒卽司馬法所征之士徒更調迭發以給徭役其任事止於一年更代而去則復業于百畝愚按府史胥徒爲最下給趨走追呼而已胥則有才智爲什長至府主庫藏史掌文書職守頗重尤須擇人以充之非凡民皆可爲者賈公彥謂官長辟召除其課役而使之則入官之後舊籍已除斷無每
年更代之理且檀弓言晉趙文子舉管庫之士七十餘

家鄭註謂管庫之士。府史以下。官長所置者。舉之于君爲大夫士也。此雖春秋時事。必古原有此法。然則府史之屬。効力有年間。亦擢用而鄭氏受代歸農之說。益知其必不然矣。

一夫百畝

周家授田之制。如大司徒遂人之說。則是田肥者少授之。田瘠者多授之。如小司徒之說。則口衆者授之肥田。口少者授之瘠田。如孟子王制之說。則一夫定以百畝爲率。而良農食多。惰農食少。馬貴與嘗論三說之不同。

矣。愚按三說本同。當以孟子王制爲主。而參觀周禮之說。蓋田有不易。一易再易之殊。左氏異義。自衍沃之地九夫爲井而外。又有二而當一。以至九而當一者。此大司徒遂人授田。所以有多寡之差也。孟子王制言一夫百畝。則周禮不易之地。左傳衍沃之地。舉其最上者。以定賦也。至小司徒之法。亦具于遂人中。遂人云。以歲時稽其人民而授之田。野蓋人有生耗。卽田有予取。故稽而授之。或以小司徒之說爲疑者。未考遂人歲時稽授之法也。

費惠公

春秋時有兩費。其一魯國之費。初爲廩父邑。後爲季氏邑。其一滑國之費。成十二年晉使呂相絕秦。曰殄滅我費滑至子思時其亡久矣。費惠公薛仲常以爲廩父之後非也。蓋卽季氏之後僭稱公者。王伯厚引楚世家有鄒費鄭邳金仁山引曾子書有費君費子之稱。閻百詩又引呂氏春秋以滕費則勞以鄒魯則逸。劉向說苑魯人攻鄒。曾子辭于鄒君。鄒君曰寡人之于先生也。魯世家言悼公時三桓勝魯如小侯。卑于三桓之家。六國表

並同其爲季氏之強。以邑爲國而僭稱公。殆無復疑。

獵較

獵較之說。趙氏張氏不同。王罕皆謂較奪禽獸以祭。正與下正祭器相應。自從趙義爲長。愚謂不特此也。周禮獲禽者取左耳。及弊田植虞旗致禽而耳焉。言致禽于旗下。取耳以較。所獲之多少。則獵而較獲正禮之所有。不得爲弊俗。故趙說爲長。楊文來曰。獵較之解。張說爲長。還與盧令齊俗也。猶但以便捷輕利相稱譽。魯俗重禮教。君戾泮官。而無小無大。從公于邁。猶有先王之。

遁風焉。何至公行攘奪。曾齊俗之不若乎。左傳晉厲公
田與婦人先殺而飲酒。後使大夫殺郤至奉豕。寺人張
孟奪之。郤至射而殺之。未幾難作。君臣俱斃。魯之後亡。
以猶秉周禮也。必不至此極。其意蓋在貴四方之異物。
所得之多且異者。則於獻禽時誇耀於衆。謂人莫已若。
耳。非獨較多寡亦較珍異也。愚按楊說亦自近理。然孟
子引此正以較奪禽獸與取非其有一例故舉以相形。
若作比較解。則與取民猶禦毫無干涉。下文不當云獵
較猶可。况受其賜矣。嘗推求獵較之故。大抵出於僥之。

三家非田獵之百姓相較奪也。襄三十年傳鄭豐卷將祭請田子產弗許曰惟君用鮮衆給而已是因祭而獵。惟諸侯得行之而大夫不與焉。魯自三家僭竊禮則擬於君祀則豐於昵務以多品異物爲觀美於是有田獵較奪之事。孔子不禁而先傳正祭器蓋陰以禮裁之也。若謂魯人之習俗如是則孔子爲政能使市不飾賣不拾遺而獨不能變此陋習乎。且庶民有何祭器。庶民之祭豈得用四方之食而煩孔子之簿正耶。知此則無疑於趙氏較奪之說矣。

衛孝公

趙註、衛孝公以國君養賢者之禮養孔子。孔子故宿留以答之。按左傳史記無衛孝公孫疏謂仍是靈公考史記孔子在衛。衛靈公致粟六萬。此固公養之實據然以其接遇有禮不徒能養。故曰際可之仕則非公養之仕矣。集註疑是出公此爲近之。蓋出公繼立時孔子又嘗過衛。大約其致粟仍襲靈公之舊而禮遇不深。故第爲公養之仕耳。出公有公養之禮而夫子受之。此冉有子貢所以有爲衛君之疑也。出公奔越死無謚而稱孝公。

任釣臺云必衛人猶以輒爲嫡孫當立而私溢之想當然也

委吏

委吏註云主委積之吏。按周禮委人掌野之賦斂薪芻。凡疏材木材凡蓄聚之物。以待賓客羈旅祭祀喪紀之用。而掌邦之委積者則遺人也。毛大可以此駁集註之誤。然委人職亦有其委積薪芻之文。卽通言主委積之吏亦無不可。何多辨爲。

乘田

趙註乘田苑囿之吏。主六畜之芻牧者。毛大可曰。按苑囿。圃人所掌。祇游觀鳥獸之事。並無牛羊。亦並不芻牧。考周禮牛人有職人。主芻豢者。職通作穢。杙也。所以繫牛。凡牧人掌牧六牲。牛人掌養國之公牛。必授職人芻豢之史。記謂之司職吏。其又名乘田者。以公牛芻豢皆甸田中事也。愚按古乘與甸通。毛說良是。朱子論語序說。既謂乘田卽職人。而此註乃承趙氏之誤。則失于刊正。故耳。

北面稽首再拜而不受

問潛邱曰。子思北面稽首再拜而不受。孟子言再拜稽首而受。其拜與稽首次第各不同何也。按周禮吉拜是拜而後稽頰。凶拜是稽頰而後拜。則凡先稽首後再拜凶拜之禮也。先再拜後稽首。吉拜之禮也。吉拜。拜之常故。主于受凶拜。拜之異。故主于不受。愚按拜者。先跪兩膝着地。次拱兩手到地。乃俯其首。不至乎地。其首懸空。但與腰平。荀子所謂平衡曰拜是也。周禮謂之空首。尙書謂之拜首。與凡傳記单言拜者。皆謂此拜也。此拜之正也。稽首者。兩膝着地。兩手到地。乃俯其首。下至于地。

在手之前首下腰高如衡之頭低尾昂荀子所謂下衡
曰稽首是也此拜之最重者凡再拜者先作空首一拜
後作稽首一拜是爲再拜稽首先作稽首一拜後作空
首一拜是爲稽首再拜玉藻云君賜稽首據掌致諸地
此拜受君賜之禮子思主于不受故先稽首而後拜耳
潛邱之說極細恐讀者或未曉拜禮故特因而伸之

皮冠

周禮司服凡甸冠弁服鄭註冠弁委貌此田獵之冠也
薛氏禮圖以冠弁卽皮弁又以皮弁卽皮冠此說非是

襄十四年傳衛獻公射鴻于囿。孫寧二子從之。不釋皮冠而與之言。二子怒。孔疏謂敬大臣宜去皮冠。若皮冠卽弁。則衛獻之不釋皮冠。正自應爾。孫寧二子何爲而怒乎。然則冠弁者禮服之冠。皮冠蓋加于禮冠之上。田獵則以禦塵。亦以禦雨雪。楚靈狩于州來。去皮冠而與子革語。必非科頭也可見。去皮冠而仍有禮冠矣。以其爲田獵所有事故。招虞人以之。而禮冠中不數也。或云天子田獵服委貌。諸侯服皮冠。亦是妄說。庶人以旃士以旅大夫以旌。

毛大可曰春秋傳旃以招大夫弓以招士與孟子不同
古孤卿建旃故旃招大夫以王制上大夫聯孤卿也逸
詩翹翹車乘招我以弓則弓本招士之具若以旃招士
則旃爲諸侯所建蓋以交龍以旃招庶人則鳴鼉卿載
旃通以大赤白爲之是春秋傳可解而孟子不可解俗
謂旃無文采龍善變化皆鴈說也此爲孟子解當據司
馬大閭文凡大閭治徒役必有諸侯卿大夫士及州里
庶人顧士本有位惟諸侯得召之而侯車載旃故卽以
旃招士孤卿可召庶人而孤卿載旃故卽以旃招庶人

是左傳之招以其物而孟子之招則以所招之人之物不相悖也。若大夫車載旌物今仍以其物招之尊大夫耳此庶田禮與閔禮可通証者愚按司常云大夫士建物而旌則旂車載之毛氏欲傅會其說遂自造禮文曰大夫載旌而又見司常明言建物故於旌下添一物字以混亂之豈旌卽物耶抑載旌兼載物耶吾不知其何謂也夫以司常解孟子固自有說旂車載旌旂車者五路中之木路田獵乘之巾車云木路以田是也王正田獵則建大麾小田獵則建旌故卽以旌招大夫此正所

謂以所招之人之物與旃招士旃招庶人一例也。陳氏禮書曰孤卿建旃庶人孤卿之所治者也故招以旃諸侯建旃士君之所禮也故招以旃旃車載旃大夫從旃燕之樂者也故招以旃以此解孟子何不可焉。周禮司常全羽爲旛析羽爲旌注云全羽析羽皆染五采繫於旛旌之上所謂注旄於干首也疏云注旄於干首爾雅文也據爾雅注旄首曰旌則旛旌非直有羽又有毛也。姜上均曰旛旌皆以羽爲之爾雅以毛釋旛此經傳互釋之通例而疏据其文以旛旌爲有羽又有毛如其

說則爾雅但云注旄首曰旌將旄有旄反無羽乎愚按
姜說非是左傳范宣子假羽旄於齊晉人假羽旄於鄭
杜注云以析羽爲旄爲王者旂車之所建也此旂兼有
羽旄之証惟兼有羽旄故司常云析羽爲旄爾雅云注
旄爲旂可以偏舉而互見若旂本無旄而以旄釋旂此
與指鹿爲馬無異經傳豈有此互釋之例哉使其有此
例也則釋旂曰注旄爲旂釋旄曰析羽爲旄不亦名實
俱亂疑誤後人之甚乎大抵旂皆有旄故書曰秉旄詩
曰建旄此通稱之號而羽則惟旂旂有之疏謂旂有羽

又有毛良是謂大常以下皆有羽旄恐未然而姜氏以旄另爲一物則又非也

趙孟

示兒編晉有三趙孟。趙朔之子曰武。諡文子。稱趙孟。趙武之子曰成。趙成之子曰軌。又名封。父諡簡子。亦稱趙孟。趙軌之子曰無恤。諡襄子。亦稱趙孟。愚按吳斗南云。趙盾字孟。故其子孫皆稱趙孟。

膏粱

趙註膏粱細粱如膏者。此猶山海經之膏菽膏稻膏黍

膏移郭註謂味好滑如膏者也。集註分爲二物。膏肥肉
梁美穀與韋昭國語註同。按膏梁對下文繡文是衣繡。
是裳則膏梁亦當是二物。集註爲長。